

मार्निंग डोगरी न्यूज बुलेटिन, समे. 09.20 Hrs

<><><><><><>

Headlines

1. प्रधानमंत्री नरेन्द्र मोदी होर आंध्र प्रदेश च 2 लकख करोड़ रुपें शा मते दी परियोजनाएं दा उद्घाटन ते नीह पत्थर रक्खडन।
2. इक देश इक चुनांस कन्नै सरबंध द'ऊं विधेयकें लेई खडेरी गेदी संसद दी सांझी समिति दी पैहली बैठक अज्ज होग।
3. ट्रांसपोर्ट मंत्री सतीश शर्मा होरें नमीं दिल्ली च केन्द्री ट्रांसपोर्ट मंत्री नितिन गडकरी हुंदे कन्नै मलाटी करियै जम्मू-कश्मीर लेई बक्ख-बक्ख महत्वपूर्ण सिडक ते ट्रांसपोर्ट परियोजनाएं पर चर्चा कीती। गडकरी होरें राष्ट्र दी तरक्की च जम्मू-कश्मीर दी भूमिका पर जोर दिंदे होई केन्द्र दी तरफा पूरे सैहयोग दा जकीन दोआया ऐ।
4. मुख सचिव अटल डुल्लु होरें आखेआ ऐ जे नशे दी कवैतू कन्नै निब्बड़ने लेई कन्नूनें दी सख्ती कन्नै अमल-आवरी, उचित इलाज ते लोकें अंदर जागरूकता अत लाजमी न।
5. कोलकाता च आयोजित इंडिया इंटरनेशनल मेगा ट्रेड फेयर 2024 च जम्मू-कश्मीर दा पैविलियन सब्बनें शा मते आकर्षण दा केन्द्र बने दा रेया।

<><><><><><>

प्रधानमंत्री नरेन्द्र मोदी होर अज्ज आंध्र प्रदेश दे विशाखापत्तनम च 2 लक्ख करोड़ रुपें शा मते दी परियोजनाएं दा लोकार्पण ते शुभारंभ करडन ते केई परियोजनाएं दा नीह पत्थर बी रक्खडन। ओह विशाखापत्तनम दे नेड़े पुदिमदका च एनटीपीसी ग्रीन एनर्जी लिमिटेड दी भलेआं अज्जै-कल्लै दी हरित हाईड्रोजन केंद्र परियोजना दा नीह पत्थर रक्खडन। एह राष्ट्री हरित हाईड्रोजन मिशन दे तैहत पैहला हरित हाईड्रोजन केंद्र होग। इस परियोजना पर तकरीबन 1 लक्ख 85 ज्हार करोड़ रुपें दा निवेश होग। प्रधानमंत्री होर आंध्र प्रदेश च 19 ज्हार 500 करोड़ रुपें शा मते दी रेल ते सिडक परियोजनाएं दा बी नीह पत्थर रक्खडन ते केई परियोजनाएं दा शुभारंभ करडन।

<><><><><><>

इक देश इक चुनांस कन्ने सरबंध द'ऊं विधेयकें लेई खडेरी गेदी संसद दी सांझी समिति दी पैहली बैठक अज्ज होग। इ'नें विधेयकें च 129मां संविधान संशोधन विधेयक ते केंद्र शासित प्रदेश विधान संशोधन विधेयक, 2024 शामिल न। कानून ते न्यास मंत्रालय दे प्रतिनिधि समिति दे सदस्यें गी प्रस्तावित विधेयकें दे बक्ख-बक्ख प्रावधानें दी जानकारी देडन। 39 मैम्बरी समिति च लोकसभा दे 27 ते राज्यसभा दे 12 सदस्य न। एह समिति अगले संसद सत्र दे अखीरले हफते दे पैहले ध्याड़े अपनी रिपोर्ट सौंपग।

<><><><><><>

Pravasi-Bhartiya Diwas

18मां प्रवासी भारती दिवस सम्मेलन अज्जै थमां भुवनेश्वर च शुरू होआ करदा ऐ। 75 मुल्खें थमां तकरीबन 6 ज्हार भारतवंशी सम्मेलन लेई स्वदेश आवै करदे न। ओडिशा सरकार प्रवासी

भारतीयें अग्गे राज्यें दी सग्गोसार संस्कृति ते विरासत दी झलक पेश करोग। राज्य सरकार आसेआ युवा मामलें ते खेड्डें सरबंधी मंत्रालय दे सैहयोग कन्नै एहदा आयोजन कीता जा'रदा ऐ। प्रधानमंत्री नरेन्द्र मोदी होर कल इस सम्मेलन च हिस्सा लैडन ते भारतवंशियें लेई विशेष पर्यटक रेलगड्डी- प्रवासी भारती एक्सप्रेस गी वर्चुअल ढंग्गै कन्नै रवाना करडन ते 4 प्रदर्शनिएं दा उद्घाटन बी करडन। राष्ट्रपति द्रौपदी मुर्मु होर औंदे शुक्रवारें समापन सत्र दी प्रधानता करडन। ओह बक्ख-बक्ख खेतरे च भारतवंशियें दी उपलब्धियें गी उजागर करदे होई प्रवासी भारती सम्मान भेंट करडन। त्रिनिदाद ते टौबेगो दिआं राष्ट्रपति क्रिस्टीन कार्ला केंगलू होर इस सम्मेलन दिआं मुख्ख परौहिनियां होडन। इस ब'रे इस सम्मेलन दा विशे-सार ऐ-विकसित भारत लेई भारतवंशियें दा जोगदान।

<><><><><><>

Satish-Gadkari

ट्रांसपोर्ट मंत्री सतीश शर्मा होरें केंद्रीय शिडक ते जरनैली शिडकें सरबंधी मंत्री नितिन गडकरी हुंदे कन्नै नमीं दिल्ली च मलाटी कीती। इस दौरान उनें जम्मू-कश्मीर च शिडक सरबंधी ढांचे दे विकास कन्नै जुड़े दे मामलें पर केंद्री मंत्री हुंदे कन्नै चर्चा कीती। बैठक दौरान शर्मा होरें लोकें लेई हेठा ते उप्परा लंघने आहले रस्ते ते खिते च बन्ने आहले इलाकें च बेहतर राबता कायम करने दी जरूरता गी उजागर कीता। उनें अखनूर-छम्ब ते कुपवाड़ा-उड़ी शिडकें गी चऊं गड्डिएं दे इक्कै बेल्ले लंघने जोग बनाने लेई ते ग्रामीण इलाकें च शिडकें ते सुरंगें गी तौले सबूरा करने लेई प्रधानमंत्री ग्राम शिडक योजना तैहत दित्ते जाने आहले पैसे च बाददा करने लेई बी आखेआ। गडकरी होरें इनें सब्बनें मामालें पर फौरी तौर पर कार्रवाई करने दा भरोसा दोआया। उनें राष्ट्र

दी प्रगति च जम्मू-कश्मीर दी महत्वपूर्ण भूमिका पर बी जोर पाया। गडकरी होरें जम्मू-कश्मीर दे विकास लेई राबता बेहता करने ते सैलसफा गी बढ़ावा देने दी सरकार दी बचनबद्धता गी उजागर कीता।

<><><><><><>

Yuva

मिशन यूथ तैहत उद्यम जागृति लेई जिला सतह पर बेसलाइन सर्वे जम्मू खिते दे बक्ख-बक्ख जिले जियां कठुआ, उधमपुर, रियासी, पुंछ, डोडा, किश्तवाड़, राजौरी, रामबन ते साम्बा च होआ। इस जत्न दा मकसद युवाएं च हुनर विकास, उद्यमियता ते सशक्तिकरण करना ते युवाएं गी लोड़चदे हुनर कन्नै लैस करना ऐ। डिप्टी कमिशनरें ते अफसरें युवाएं गी एहदे च सक्रियता कन्नै हिस्सा लैने लेई आखेआ तां जे उंदा भविक्ख बेहतर ते खुशहाल बनी सकै। स्हाड़े जिला संवाददाता कन्नै गल्ल करदे होई उधमपुर दी डिप्टी कमिशनर सलोनी राय होरें आखेआ।

.....बाईट.....

<><><><><><>

CS-Drug

मुख्य सचिव अटल डुल्लू होरें केंद्र शासित प्रदेश च नशीले पदार्थे दी माड़ी कवैतू कन्नै निब्बड़ने सरबंधी कन्नूनें दी अमलावरी, पीड़ितें दी पुर्नबहाली ते आम लोकें च इस बारै जागरूका पैदा करने पर जोर पाया। केंद्र शासित प्रदेश सतह दी 12मीं NCORD कमेटी दी बैठक दी अध्यक्षता करदे होई उनें इनें चुनौतिएं कन्नै निब्बड़ने लेई सब्बनें दे सांझे जत्नें पर जोर पाया। बैठक दौरान मुख्य सचिव होरें जांच सरिस्ते गी होर मजबूत बनाने ते दोषिणं खिलाफ कार्रवाई यकीनी

बाने लेई गलाया। उनें जिला अस्पतालें च नशामुक्ति केंद्र कामय करने पर जोर पाया। एहदे अलावा मुतल्लका मैहकमें कन्नै रलिए लोकें गी जागरूक करने लेई बी आखेआ।

<><><><><><>

Dc Jammu R. S Pura

जम्मू दे जिला मैजिस्ट्रेट सचिन कुमार वैश्या होरें आर.एस.पुरा दा इक व्यापक दौरा लाया ते उत्थे चला रदी विकास गतिविधिएं दा जायजा लैने दे कन्नो-कन्नी बन्ने दी सुरक्षा स्थिति दा बी निरीक्षण कीता। अपने दौरे दौरान उनें विकास कम्में, कन्नू बवस्था ते बन्ने सरबंधी मामलें दा जायजा लैता। उनें समाज कल्याण मैहकमे आसेआ कायम परीशा ते पलाश आसरमे च दिती जा रदी स्हूलतें ते सुविधाएं दा निरीक्षण कीता। इस दौरान उनें बन्ने कन्नै लगदे ग्राएं च रौहने आहले आम लोकें कन्नै बी गल्ल कीती। इस दौरान मुकामी लोकें उनेंगी अपने मामले ते मसलें कन्नै अवगत करोआया।

<><><><><><>

IIMTF-JK Pavillion

जम्मू-कश्मीर दी समृद्ध विरासत गी दस्सने दे मकसद कन्नै कोलकाता च होए दे 23में भारत अंतरराष्ट्रीय बपार मेले च जम्मू-कश्मीर दा पविलियन लाया गेआ ऐ। एह सब्बनें दे आकर्षण दा केंद्र बनेआ। इसगी बपार कारोबार गी बढ़ावा देने सरबंधी जम्मू-कश्मीर संगठन आसेआ प्रायोजित कीता गेआ। इस दौरान उत्थे 21 स्टाल लाए गेदे हे जेदे च पशमीना शाल, फिरन, सोजनी, कश्मीरी केसर ते खाने-पीने आहिलयां चीजां जियां मखीर अनारदाना ते राजमा बगैरा शामिल ऐ। इस दौरान इक करोड़ 30 लक्ख रपे दी बिक्री कीती गई। औने आहले म्हीने च ..

सूरज कुंड मेले, दुए एगो ते फूड फेस्ट ते जे.के ट्रेड शो च हिस्सा लैग। एहदे कन्नै सरबंधी लोके गी राश्ट्रीय ते अंतरराश्ट्रीय सतह दे मौके थहोदे न।

<><><><><><>

Kathua Road Safety

सिड़क सुरक्षा गी बढ़ावा देने ते डरैवरें दी भलाई-बेहतरी जकीनी बनाने लेई कठुआ दे क्षेत्रीय ट्रांसपोर्ट दफ्तर आसेआ कल डरैवरें लेई इक मुफ्त मेडिकल कैंप दा आयोजन कीता गोआ। कठुआ दे ए-आरटीओ शम्मी कुमार शर्मा होरें इस मौके पर प्रतिभागिं गी संबोधित कीता ते उनें गी सुरक्षित ढंगे कन्नै गड्डी चलाने दे महत्व बारे जानकारी दिती तांजे सिड़क हादसं गी रोकेया जाई सकै। जीएमसी कठुआ ते प्राथमिक सेहत केन्द्र लखनपुर थमां आई दी मेडिकल टीम नै इस कैंप दरान डरैवरें दी शारीरिक ते अक्खिं दी जांच कीती ते उनें गी मुफ्त दवाईयां ते सलाह बी दिती गई। स्हाड़े जिला संवाददाता दी रिपोर्ट मूजब, इस कैंप दा सरिस्ता ऐल्लै जारी माड़े मौसमी हालात दे मददेनजर, ट्रांसपोर्ट कमिशनर हुंदे निर्देशं पर कीता गोआ। इस सरबंधे च स्हाड़े जिला संवाददाता नै ए-आरटीओ शम्मी कुमार शर्मा हुंदे कन्नै गल्लबात कीती। उनें आखेआ

<><><><><><>

Weather-Highway

मौसम विभाग नै जम्मू-कश्मीर च इस म्हीने दी 10 तरीक तगर आमतौरा पर मौसम बदलोखड़ा ते खुशक रौहने दे असार जताए न। ऊंआं 11 ते 12 जनवरी गी जम्मू संभाग दे पदरे इलाके च बदल छाए दे रौहने ते हौली बरखा बरने दी मेद बी दस्सी गई ऐ। तोआई

जम्मू च अज्ज बड्डलै मुंह-न्हरे केईं थाहें पर घनी धुंध ते कोहरा छाए दा रेया जिस करी गड्डिएं दी आओजाई चुनौतिपूर्ण बनी दी रेई। तोआई जम्मू-श्रीनगर राश्ट्री जरनैली सिडकै पर दौने बक्खी दा गड्डिएं दी आओजाई बवस्थित ढंग्गै सिर चलै करदा ऐ। उत्थे गै दुई बक्खी जम्मू संभाग दे पुंछ ते रजौरी जिलें गी कश्मीर घाटी कन्नै जोड़ने आहली ऐतिहासिक मुगल रोड गड्डिएं दी आओजाई लेई अजें बी बंद ऐ। लोकें गी एहतियात दे तौर पर सलाह दिती गेई ऐ जे ओह जम्मू-श्रीनगर जरनैली सिडकै पर जातरा करदे बेल्ले ट्रैफिक पुलस दे निर्देशं दी पालमा जकीनी बनान।

<><><><><><>